

Sagastume preso eta haurra Palentzian hemen baino okerrago daudela salatu dute

Dueñasera eramateko «aitzakia» han haurrarentzako baldintza egokiak zeudela zen

Eider Goenaga / Donostia

Maitane Sagastume eta Onditz, haren semea, Dueñasko espetxera eramateko arrazoia «aitzakia» baino ez zela izan salatu zuten atzo Senideek, Egizane eta presoaren mutil-lagunak. Izan ere, haurra Donostian izan zuen, baina esan zioten Martutenen ez zegoe- la amentzako modulu egokirik eta Dueñasera eraman zuten. Dueñasen, baina, emakumeentzako modulu arrunt batean dute, eta ez diote haurra ziegan edukitzen uzten.

MAITANE SAGASTUMEK eta Onditzek hilabete egin dute Dueñasen, baina ez ama eta haurrarentzako modulu egoki batean, emakumeen modulu arrunt batean baizik. Izan ere, Onditz maiatzaren 12an jaio zen, eta handik 15 egu- nera eraman zuten Dueñasera, Martutenen ez baitzegoen haurrak edukitzeko presta- tutako modulurik. Presa handiz egin zen trasladoa, baina Sagastumek bizi duen egoera Martutenekoa baino okerragoa dela adierazi zuten atzoko prentsaurrekoan Senideek.

Bixente Goñi haurraren aitzakia eman zuen Sagastume eta Onditzen bizi-baldintzen berri: «Dueñasera eramateko eman ziguten arrazoia aitzakia baino ez zela argi dago, han Martutenen bizi zezake- en baino egoera txarragoa bizi baitu». Izan ere, Sagastu- me «haurraren sehaska ere sartzen ez den ziega batean» dago. «Gainera, ez diote hau- rra ziegan edukitzen uzten, espetxean dauden haurren arteko harremana bultzatu



Idoia Eskitxabel, Bixente Goñi eta Oroitz Etxabe, atzoko prentsaurrekoan. Atzean, Maitane eta Onditzen argazkia.

behar den aitzakian. Baina, egia esan, ez dakit hilabete eta erdiko haur batek zer harreman izan dezakeen beste haurrekin», nabarmendu zuen Goñik.

Horren eraginez, Sagastu- me patioan bakarrik egon daiteke haurraren. «Udan ongi, baina negua iristean, ezingo dute patiora irten eta telebista dagoen gelan egon beharko dute, eta han jendea erretzen eta hizketan egoten da etengabe», azaldu zuen.

Sagastume Donostian erditzea lortu bazen gizarte- ren presioagatik izan zela nabarmendu zuen Idoia Eskitxabel Senideen orde- z- kariak, eta orain gauza bera egin behar dela esan zuen. Euskal Herriko espetxeetan amentzako modulu bat egi- tea beharrezkotzat jo zuen, eta horrela geroko kasuei ere konponbidea emango zaie.

puntuz puntu

Bizi-baldintzak Dueñasen

■ Bixente Goñik, Maitane Sagastumeren mutil lagunak, Dueñasko espetxeko bizi-baldintzen berri eman zuen atzo, eta behin eta berriro nabarmendu zuen Martutenen hobeto egongo zela.

Haurra ezin ziegan sartu • Sagastumeren ziega pertsona ba- kar batentzako da; hain txikia da, non ez den haurraren se- haska sartzen. Dena dela, Dueñasko espetxe zuzendaritzak ez dio Sagastumeri haurra ziegan edukitzen uzten, eta pa- tioan bakarrik ikus dezake.

Pedagogorik ez • Ziegan sartu ezin duenez, amak ezin du be- ti haurraren egon. Gainera, amarekin ez dagoenean Ondi- tze ez du zainketa egokirik jasotzen, ez baitago pedagogorik.

Ginekologora joateko, kanpora • Ginekologorik ere ez dago Dueñasen, eta Sagastumek Palentziako ospitalera joan be- har du azterketa medikoak egitera. Bixente Goñik nabar- mendu zuenez, Martutenen badute ginekologoa.

Presoak nahastean arre- ta berezirik ez • Dueñasen haur gehiago ere badaude, baina emakumeentzako modulu arrunta denez, preso guztiak nahastuta daude. Duela gutxi abstinenzia sindromea zuen preso bat sartu zuten Sagastu- meren modulu berean, eta espetxeko medikuak ere kexatu egin ziren.

■ Santurtzirantz taldeak kanpaldi bat egingo du sakabanaketaren kontra

HERRIKO bederatzi preso- ak Euskal Herrira ditzaten eskatzeko kanpaldia egin- go du asteburuan Santur- tzirantz Herri Ekimenak. Era berean, zigorraren hiru laurdenak beteta dituzten preso politiko zein sozialen askatasuna eskatuko dute. Kanpaldia udaletxe aurreko parkean egingo da, eta igandean amaituko dute, kalejira batekin.

■ Lau preso itzularazi dituzte Puertora eta Algecirasera

EKAINEN azken hama- bostaldian lau preso alda- tu dituzte espetxez; bakoit- za zegokion espetxera itzularazi dute. Mikel Azurmendi Alcala Mecora itzuli dute Soto del Real- dik, hara eraman baitzu- ten espetxe horretan dago- en neska-lagunarekin aurrez aurreko bisita iza- tera. Iñaki Urdiain Puerto Ilra eraman dute, Antxon Lopez Algecirasera eta Jon Tapia Puerto Ilra. Hiru horiek diligentziengatik aldatu zituzten espetxez.

■ Santi Arrospide estradiatzeko beste eskaera bat onartu dute

VERSAILLESKO Apelazio Auzitegiak onartu egin du Espainiako Gobernuak Santi Arrospide estradita- tze egin beste eskaera bat. Espainiak jada 17 eskaera egin ditu, baina ez dizkiote guztiak onartu. Arrospide 1987an atxilotu zuten, Angelun, eta ha- mar urteko zigorra ezarri zioten. Bi urte gehiago egin ditu espetxean, es- tradizio eskaera gehiago iristeko zain egon direla- ko. Izan ere, Espainian ezin dute epaitu estradizio eskaera batean agertu delitua ez den beste zer- baitengatik.